

御纂醫宗金鑑

御纂醫宗金鑑卷七十一

編輯外科心法要訣 目錄

脛部

三里發

腓膈發

黃鰐癰

青蛇毒

接骨發

附陰疽



內踝疽

外踝疽

穿踝疽

溼毒流注  
附瓜藤纏

腎氣遊風

賺瘡

鱗漏

四彎風

風疽

宗金鑑卷之十一

足部

足發背

湧泉疽

脫疽

敦疽

甲疽

足跟疽

厲癰

四淫



臭田螺

牛程躑

土粟

冷疔

脚氣瘡

田螺炮

肉刺

御纂醫宗金鑑卷七十一

編輯外科心法要訣

三里發圖



「三里發在膝眼下三寸初如牛眼其色青黑者皆同」

御纂醫宗金鑑

卷七十一

編輯外科心法要訣



脛部

三里發

三里發腫牛眼形膝眼之下冷痛凝勞力傷筋兼胃熱腫色青黑紫血膿

註


此證生膝眼下三寸外側前廉兩筋間初腫形如牛眼拘急冷疼由勞力傷筋胃熱凝結而成漸增腫痛其色青黑潰出紫血次出稀膿內外治法俱按癰疽腫瘍潰瘍門

腓

膈

發

圖



腓膈發生腿肚正中左右皆同



腓膻發

腓膻發在小腿肚憎寒煩躁積熱成焮腫痛潰膿  
血吉漫腫平塌清水凶

註

此證發於腓膻卽小腿肚也由腎水不足膀胱積熱凝結而成古方云不治若焮赤高腫疼痛潰出正膿而兼血者吉爲順或漫腫平塌紫暗聾痛潰出清水者凶爲逆初服仙方活命飲潰服八珍湯氣血虛者服十全大補湯下虛者以桂附地黃丸補之外治法同癰

疽潰瘍門

仙方活命飲

見腫瘍門

八珍湯

十全大補湯

俱見潰瘍門

桂附地黃丸

見面部頰瘍



黃

鰻

癱

圖



黃鰻癱生腿肚裏衝長數寸紅腫形如泥鰻左右皆同

復身書全金

卷一

一

三

黃鰵癰

黃鰵癰生腿肚旁疼痛硬腫若鰵長肝脾濕熱微紅色順出稠膿逆敗漿

註

此證生在小腿肚裏側疼痛硬腫長有數寸形如泥鰵其色微紅由肝脾二經濕熱凝結而成應期潰破出稠膿者爲順若出污水敗漿者屬逆初服五香流氣飲其次內外治法俱按癰疽腫瘍潰瘍門

五香流氣飲

金銀花 二兩

小茴香

僵蠶 炒

羌活

獨活

連翹 去心

栝萋仁 各一兩五錢

藿香 五錢

丁香 二錢

木香

沉香

甘草 各一錢

分爲十劑水煎隨病上下服

方歌 五香流氣治黃鯁流注結核也能瘰丁木茴

沉僵藿草銀花羌獨翹栝萋




青

蛇

毒

圖



青蛇毒在腿胫之下長三寸結腫紫塊頭大尾細左右皆同

青蛇毒

青蛇毒生腿肚下形長三寸紫塊殭腎與膀胱濕熱結急鍼蛇頭血出良

註

此證又名青蛇便生於小腿肚之下形長二三寸結腫紫塊殭硬憎寒壯熱大痛不食由腎經素虛膀胱濕熱下注而成蛇頭向下者毒輕而淺急刺蛇頭一半寸出紫黑血隨鍼孔搽拔疔散外敷離宮錠內服仙方活命飲加黃蘗牛膝木瓜亦有蛇頭向上者毒深而

惡急刺蛇頭一二寸出紫黑血鍼孔用白降  
丹細條插入五六分外貼巴膏餘腫敷太乙  
紫金錠內服麥靈丹俟毒減退次服仙方活  
命飲調和之若毒入腹嘔吐腹脹神昏脈躁  
俱爲逆證

拔疔散

見齒部  
牙疔

離宮錠

仙方活命飲

麥靈丹

俱見腫  
瘍門



白降丹

巴膏

俱見潰瘍門

太乙紫金錠

見胸部脾發疽

*(Faint bleed-through text from the reverse side of the page)*

接

骨

發

圖



接骨發生脛骨之下足後跟相接處初如胡桃腫似物打磕碰之狀兩足皆同

接骨發


接骨發如核桃形腿肚之下硬脹疼色紅漫腫宜速潰遲損筋脈缺踵行

註

此證生於腿肚之下接骨之上脛骨與足後跟骨相接處故名接骨發屬膀胱經濕熱凝結而成初如核桃其硬如物打磕礮之狀急脹微疼色紅漫腫膿宜速潰遲則膿毒損筋筋脈既傷腿缺踵行者不能全足踐地惟恃足指着力而行也始終內外治法俱按



癰疽腫瘍潰瘍門



附陰疽圖



附陰疽生內踝之上三寸紅滲如鷄卵左右皆同

附陰疽生內踝之上三寸紅滲如鷄卵左右皆同

附陰疽

附陰疽發內踝上初如紅粟日增疼堅硬赤腫漸如卵三陰交會濕熱凝

註

此證生於內踝骨之上三寸初如紅粟疼痛日增堅硬赤腫漸如鷄卵係三陰交會濕熱積聚而成始終內外治法俱按癰疽腫瘍潰瘍門但三陰交係純陰之穴收斂遲緩調養不可不慎



內 踝 疽 外 踝 疔 圖



二疽堅硬漫腫不紅

內踝疽

外踝疽

內踝疽 外踝疽

內外踝疽濕寒成血滲氣滯阻於經三陽外側三陰裏初用宣通蒜灸靈

註此二證生兩足踝近腕之處在內踝者名走

緩又名鞋帶疽在外踝者名脚拐毒蓋內踝骨屬三陰經脈絡也外踝骨屬三陽經脈絡也俱由濕寒下注血澀氣阻而成其堅硬漫腫皮色不變時時隱痛難於行立者初服瘡科流氣飲加牛膝木瓜防己以宣通之外用

蒜片灸法以消之發三陰經者服內托黃耆

湯發三陽經者服內托羌活湯若虛弱將欲

作膿跳痛無時者俱服十全大補湯外敷烏

龍膏其腫潰治法俱按癰疽腫瘍潰瘍門

瘡科流氣飲見背部痰注發

內托黃耆湯見股部附骨疽

內托羌活湯見臀部上馬癰

十全大補湯見潰瘍門

烏龍膏見腫瘍門



穿

踝

疽

圖



穿踝疽係裏外踝骨通腫不紅

針灸醫經卷七十一  
穿踝疽

穿踝疽由脾濕寒裏發串外踝骨間有頭屬陽陰  
悶腫潰出清水廢疾纏

註 此證由脾經濕寒下注血澀氣阻而成先從  
裏踝骨發起串及外踝致令裏外通腫以有  
頭爲陽易破若惟悶腫無頭爲陰難潰其證  
初起寒熱往來有紅暈兼有熱也宜服荊防  
敗毒散皮色不變者服萬靈丹其餘腫潰治  
法俱同內外二踝疽若潰出清水或投方不

應纏綿日久者必成廢疾難治

荆防敗毒散

見項部  
腦疽

萬靈丹

見腫  
瘍門



# 濕毒流注圖



瓜藤纏係遠脛而生

濕毒流注生脛骨二個者是也

二證初如牛眼次則漫腫色紫者輕黑者重左右同

濕毒流注

附瓜藤纏

濕毒流注腿脛生頂如牛眼漫腫形紫輕黑重膿  
水潰寒濕暑熱在腠凝

註

此證生於腿脛流行不定或發一二處瘡頂

形似牛眼根脚漫腫輕則色紫重則色黑潰  
破膿水浸漬好肉破爛日久不斂由暴風疾  
雨寒濕暑火侵在腠理而肌肉爲病也初覺  
急服防風通聖散加木瓜牛膝防已蒼朮消  
之若腿脛至晚發熱者宜服當歸拈痛湯加

牛膝外治初搽三妙散腫痛全消換搽輕粉散歛之即効若遶脛而發即名瓜藤纏結核數枚日久腫痛腐爛不已亦屬濕熱下注而成治法同前

輕粉散

輕粉 一錢五分

黃丹

黃蘗

密陀僧

高末茶

乳香 各三錢

麝香 五分



共研末先用葱熬湯洗患處再搽此藥

方歌輕粉黃丹藥陀僧末茶乳麝共研成濕毒流

注臙瘡證化腐除濕又止疼

防風通聖散

見頭部  
禿瘡

當歸拈痛湯

見股部  
腿遊風

三妙散

見腹部  
臙癰

# 腎氣遊風圖



腎氣遊風生於腿脛腫暈如雲片

其病未去其氣未散其病未去其氣未散

腎氣遊風

腎氣遊風腿肚生紅腫如雲火烘疼證由腎火蘊於內膀胱氣滯外受風

註

此證多生於腎虛之人腿肚紅腫形如雲片遊走不定痛如火烘由腎火內蘊外受風邪膀胱氣滯而成也初服紫蘇流氣飲次服檳榔丸外用豆腐研調黃蘗末貼敷之甚效

紫蘇流氣飲

紫蘇

黃蘗



木瓜

檳榔

香附

陳皮

川芎

厚朴

薑炒

白芷

蒼朮

米泔水浸炒

烏藥

荆芥

防風

甘草

獨活

枳殼

麩炒

等分薑三片棗一枚水煎服

方歌紫蘇流氣藥瓜榔香附陳芎厚芷蒼烏藥荆

防甘獨枳腎氣遊風服最昌

檳榔丸

檳榔

枳殼

各二兩  
麩炒

木瓜

一兩五錢

木香

一兩

大黃

四兩

共研細末煉蜜為丸如梧桐子大每服三十

丸空心白滾湯送下黃酒送下亦可

方歌

檳榔枳殼木瓜研木香大黃煉蜜丸腎氣遊

風紅腫痛空心水送自然痊

圖 瘡 癰



瘡瘡生兩腿脛之裏外廉骨



# 廉瘡

廉瘡當分內外廉外廉易治內難痊外屬三陽濕熱結內屬三陰虛熱纏法宜搜風除濕熱外貼三香夾紙餞

詩

此證生在兩脛內外廉骨外廉屬足三陽經濕熱結聚早治易於見效內廉屬三陰有濕兼血分虛熱而成更兼廉骨皮肉澆薄難得見效極其綿纏初發先癢後痛紅腫成片破津紫水新起宜貼三香膏色紫貼夾紙膏日

久瘡色紫黑貼解毒紫金膏又年久頑癩瘡  
皮烏黑下陷臭穢不堪者用蜈蚣錢法去風  
毒化癩腐蓋貼黃蠟膏漸效初服黃者九日  
久者服四生丸下元虛冷者宜虎潛丸常服  
甚效但腿脛在至陰之下生瘡者當戒勞動  
發物其證可愈否則難痊

三香膏

輕粉

乳香

松香 各等分

共爲末香油調稠用夾紙一面以鍼密刺細孔將藥夾搽紙內先以葱湯洗淨患處將藥紙有鍼孔一面對瘡貼之三日一換

方歌三香輕粉乳松香研末油調紙內藏葱湯洗

患方貼藥初起廉瘡用此良

夾紙膏

黃丹炒

輕粉

兒茶

沒藥

雄黃

血竭



五倍子

炒

銀朱

枯礬 各等分

共爲末量瘡大小剪油紙二張夾藥於內紙  
周圍用麵糊粘住紙上用鍼刺孔先將瘡口  
用葱椒煎湯洗淨拭乾然後貼上以帛縛之  
三日一洗再換新藥貼之

方歌夾紙膏貼麻瘡破黃丹輕粉兒茶沒雄黃竭  
倍銀朱礬油紙夾貼腐可脫

解毒紫金膏

明淨松香

皂礬各一筋  
煨赤

共研極細末香油調稠先用葱艾甘草煎湯  
洗淨患處再搽此藥油紙蓋住以軟布紮緊  
三日一換此藥又治楊梅結毒腐爛作臭膿  
水淋漓用之甚效

方歌解毒紫金麻瘡爛明淨松香皂礬煨二味研  
末香油調葱艾草湯先洗患

蜈蚣錢

蜈蚣

甘草

獨活

白芷 各一錢

桐油二兩將藥煎滾先以米泔水洗淨賺瘡  
水和白麵作圈圍在瘡之四邊勿令洩氣將  
腿放平以茶匙挑油漸漸乘熱加滿待油溫  
取下已後風毒自散腐肉漸脫其功甚速

方歌蜈蚣錢治久賺瘡皮黑下陷臭難當桐油煎

草獨活芷白麵圈瘡油燙強

黃蠟膏

血竭

赤石脂 煨



龍骨各三錢  
煨

共爲細末香油一兩入血餘栗子大一團煤  
枯去渣再入黃蠟一兩白膠香三錢溶化盡  
離火下血竭等末攪勻候冷磁罐盛之用時  
掬作薄片貼瘡上絹帛縛定三日後翻過貼  
之

方歌黃蠟血餘竭白膠石脂龍骨入油調蜈蚣  
後此膏蓋肌肉能生痛自消

黃耆丸

黃耆

川烏頭

炮去皮弦

赤小豆

蒺藜

炒去刺

地龍

去土炒

川棟子

鹽水泡去核

茴香

炒

防風

各一兩

烏藥

五錢

右爲細末酒煮麩糊爲丸如梧桐子大每服十五丸空心溫酒送下鹽湯亦可婦人用醋煎滾候溫送下

方歌黃耆九治臙瘡起川烏赤豆共蒺藜地龍川

棟茴香炒防風烏藥酒糊宜

四生丸

地龍

去土炒

白附子

僵蠶

炒

草烏

去皮尖炮

五靈脂

各等分

右為細末米糊為丸如梧桐子大每服三四  
十丸食前茶酒任下

方歌

四生廉瘡久纏綿骨節多疼舉動難地龍白

附僵蠶炒草烏靈脂米糊丸



虎潛丸

敗龜板

四兩 酥炙

知母

黃蘗

二味 鹽酒炒

熟地

各三兩

牛膝

酒蒸

白芍

酒炒

陳皮

各二兩 鹽水潤

瑣陽

酒潤

當歸

各一兩五錢 酒洗

虎脛骨

一兩 酥炙

共研末羯羊肉酒煮爛搗膏和入藥末內為

丸如梧桐子大每服三錢空心淡鹽湯送下

冬月加乾薑一兩

方  
虎潛丸療筋骨痿下元虛冷精血虧龜板瑣  
陽膝虎脛知藥芍陳熟地歸

# 鱗

# 漏

# 圖



鱗漏生於腿肚形如濕瘡破爛中有孔數處深如鑽眼兩腿皆同

此病生於腿肚形如濕瘡破爛中有孔數處深如鑽眼兩腿皆同



鱧漏

鱧漏生在腿肚間孔如鑽眼津水綿頗類濕瘡濕熱發艾湯薰洗覺癢痊

註

此證由濕熱而成初起頗類濕瘡生於腿肚癢痛相兼破津黃水綿綿不已其孔深如鑽眼復受寒氣侵入瘡孔以致口寒肌冷法宜艾葉老葱熬湯每日先薰後洗瘡口發熱覺癢時卽貼黃蠟膏收斂而愈

黃蠟膏 見麻瘡

四

營

風

圖



四營風生兩腿凹及兩脚灣破如濕癬

四彎風

四彎風生腿脚彎每月一發最纏綿形如風癬風

邪襲搔破成瘡癢難堪

註此證生在兩腿彎脚彎每月一發形如風癬

屬風邪襲入腠理而成其癢無度搔破津水

形如濕癬法宜大麥一升熬湯先薰後洗次

搽三妙散滲濕殺蟲其癢即止緩緩取效

三妙散

見腹部臍癰



風

疽

圖



風疽生兩腿脛骨曲凹之處紅腫皮損

風疽

風疽生脛曲凹中癢搔皮竭津汗濃風邪留於血  
脈內煩熱昏冒肌腫痛

註

此證生脛骨及曲凹之處癢搔皮損津黃汁  
極其黏濃由風邪留於血脈相搏而成因其  
根深故有疽名甚則身體煩熱昏冒而肌肉  
透紅更增腫疼宜服防風湯外抹青竹大豆  
油卽效

防風湯

防風

附子製

麻黃蜜炙

白芷

木通

柴胡

當歸焙

桔梗

甘草炙

羌活各五分

共為粗末水一鍾半煎八分澄去滓食後服  
臨睡再用一服如欲出汗俟空心頭煎落滓  
併一服之後食稀粥生薑食畢被覆臥取汗

避風



方歌防風湯療風熱搏留於血脈津汁破附子麻  
黃芷木通柴胡歸桔甘羌活

### 青竹大豆油

青竹筒截三尺長徑一寸半筒內裝黑豆一升  
以穀糠馬糞二物燒火當竹筒中炙之以磁盥  
兩頭接取油汁先以清米泔水和鹽熱洗患處  
拭乾卽塗豆油不過三度極效

方歌青竹筒截三尺長徑要寸半黑豆裝穀糠馬  
糞燒炙筒風疽搔癢油塗良

臣等

臣等

臣等

臣等

臣等

臣等

臣等

臣等

臣等

臣等

足

發

背

圖



足發背生足背左右同



足部

足發背

足發背屬膽胃經七情六淫不注成詳別善惡分  
順逆細辨疽癰定死生

註

此證一名足跗發凡足背雖行三陽而偏在  
膽胃二經居多證由七情內鬱或兼六淫外  
傷而成經云三背不宜生瘡惟足背多筋多  
骨肉少皮薄又在至陰之下發瘡疽者升發  
遲慢所以謂爲險候也宜別五善七惡而分

順逆發背者大瘡之通名也須當細辨或疽  
或癰順逆既分則生死定焉初宜服仙方活  
命飲及隔蒜灸之令瘡速潰餘與腫瘍潰瘍

門治同

仙方活命飲

見腫瘍門

隔蒜灸法

見首卷灸法

湧

泉

疽

圖

湧泉疽生足心兩足同





湧泉疽

湧泉疽發在足心腎虛濕滯多屬陰速破潰淺癰  
可治黑陷爲疽命難存

註

此證生在足心湧泉穴一名足心發又名穿

窟天地俗名病穿板屬足少陰由腎經虛損

兼濕熱下注而成若十四日內卽潰膿淺爲

癰猶可調治初服仙方活命飲外用神燈照

法虛甚膿生遲者十全大補湯潰後兼用桂

附地黃丸服之餘治按癰疽腫瘍潰瘍門若

行參醫藥全錄 卷十一  
黑陷不疼二十一日之內不潰膿者為疽屬

陰敗之證難救

仙方活命飲

見腫瘍門

神燈照法

見首卷

十全大補湯

見潰瘍門

桂附地黃丸

見面部頰瘍

通泉煎

脫疽圖



脫疽生足指色黑旁有紅暈十指同



脫疽

脫疽多生足指間黃皰如粟黑爛延腎竭血枯五  
敗證割切仍黑定歸泉

註

此證多生足指之間手指生者間或有之蓋  
手足十指乃藏府枝幹未發疽之先煩躁發  
熱頗類消渴日久始發此患初生如粟黃皰  
一點皮色紫暗猶如煮熟紅棗黑氣侵漫腐  
爛延開五指相傳甚則攻於脚面痛如湯潑  
火燃其臭氣雖異香難解由膏梁藥酒及房

術丹石熱藥以致陽精燭惑淫火猖狂蘊蓄  
於藏府消爍陰液而成斯時血死心敗皮死  
肺敗筋死肝敗肉死脾敗骨死腎敗此五敗  
證雖遇靈丹亦難獲效初起宜服解毒濟生  
湯外用大麥米煮飯拌芙蓉葉菊花葉各五  
錢貼之止痛消之不應者必施割法須患者  
情愿將死生付於度外遵古法毒在肉則割  
毒在骨則切然割切之法須宜早施乘其未  
及延散時用頭髮十餘根緊纏患指本節盡

處遶紮十餘轉毋令毒氣攻延好肉隨用蟾  
酥餅放於初起黃炮頂上加艾灸之至肉枯  
瘡死爲度次日病指盡黑方用利刃尋至本  
節縫中將患指徐順取下血流不止者用如  
聖金刀散止之餘瘡以離宮錠塗之次日倘  
有黑氣未盡單用蟾酥餅研末撒之用陀僧  
膏蓋貼黑氣自退患上生膿兼貼生肌玉紅  
膏及生肌等藥肌生護骨斂口此爲吉兆內  
宜滋腎水養氣血健脾安神之劑如陰陽二



氣丹清神散金液戊土丹俱可服之若內外  
始終無變證十中可保三四若割切之後復  
生黑氣過節侵漫好肉疼痛尤甚者屬逆此  
證初起不痛者宜雌雄霹靂火灸之其餘滋  
補燙洗等法俱按癰疽腫瘍潰瘍門按諸書  
論脫疽單生於足大指而別指生者俱名敦  
疽此非確論然脫疽偏生於屬陰經之指者  
居多屢經如此後之學者宜詳審焉可也

解毒濟生湯

當歸

遠志  
去心

川芎

花粉

柴胡

黃芩

犀角  
鎊

麥冬  
去心

知母

黃蘗

茯神

金銀花  
各一錢

紅花

牛膝

甘草

各五分  
生

水二鍾煎八分入童便一椀食前服

如生手指間去牛膝加升麻

方歌解毒濟生歸遠芎花粉柴苓犀麥冬知麋菴

銀紅膝草脫疽初起煩熱攻

如聖金刀散

松香 七兩

生白礬

枯白礬 各一兩五錢

共研極細末磁罐收貯臨用時撒於患處

方歌如聖金刀散刃傷血流不止撒之良白礬枯

礬松香等共研為末罐收藏



陰陽二氣丹

天門冬

去心

麥門冬

去心

元參

湯泡去粗皮以  
上三味各搗膏

五味子

炒

人中白

生

黃蘗

各一兩

甘草

生

澤瀉

枯白礬

青黛

各三錢

冰片

一錢

各研細末同天門冬等膏加煉蜜少許再搗  
千餘下輒硬得中丸如梧桐子大硃砂為衣

每服六十九童便人乳各一酒鍾空心送下  
安睡一時

方歌陰陽二氣丹脫疽腎水枯乾燥熱欺天麥元  
參甘瀉味中白冰礬蘂黛宜

消神散

綠豆粉 一兩

牛黃 三分

甘草節 五錢

冰片 五分

硃砂 三錢

右其為極細末每服一錢淡竹葉燈心煎湯

調服

方歌 清神散治脫疽發悶亂心煩調服佳豆粉牛

黃甘草節研加冰片共硃砂

金液戊土丹

茯神

胡黃連

烏梅肉

人中黃

五味子 各一兩

硃砂

雄黃

消石

遠志

去心

石菖蒲

各三錢



牛黃

冰片 各一錢

各研細末共和一處再研干轉於端午七夕  
或春秋二分冬夏二至吉辰在淨室中先將  
烏梅肉搗膏和入藥末內加煉蜜少許搗干  
餘下軟硬得中爲丸每丸重一錢金鉞爲衣  
每服一丸人乳童便各一酒鍾隨病上下化  
服修和之時服藥之際忌婦人僧尼孝服雞  
犬等見之此藥用蠟封固收藏不洩藥味愈  
久愈效

方歌金液戊土茯苓黃硃雄消遠片石菖胡連梅

肉中黃味耑治脫疽發背瘡

雌雄霹靂火

雌黃

雄黃

丁香

各二錢

麝香

一分

右為細末用蘄艾茸二錢將藥末搓入艾內  
作豌豆大丸安患處灸之母論癢痛以肉焦  
為度如毒已經走散就紅暈盡處排炷灸之  
痛則至癢癢則至痛以瘡紅活為妙

方歌 霹靂火治陰疽方脫疽不疼灸更強 雌黃可

麝雄黃末 斬艾茸 搓藥末良

蟾酥餅

即蟾酥丸作餅見疥瘡門

離宮錠

見腫瘍門

陀僧膏

生肌玉紅膏

俱見潰瘍門



敦

疽

圖



敦疽生足指色紅十指同

敦疽

敦疽多生足指疼腫色紅活出血膿血燥精竭無  
敗色膏梁房勞脾腎經

註

此證多生於足指而手指亦間有生者由膏

梁太過則損脾房勞太過則傷腎脾既損則  
血生少腎既傷則精必竭更兼濕熱壅盛而  
成初起黃粟小炮痛如湯潑火燃其色紅活  
腫無黑暈潰破有膿腐無敗色此屬血脈未  
死之候然此證雖無敗色亦由臟腑發出未

可視為小毒也法宜急服滋陰救燥補血理  
脾之藥初服解毒濟生湯六味地黃湯潰服  
人參養榮湯桂附地黃湯外初宜蝌蚪拔毒  
散塗之將潰貼蟾酥餅兼貼巴膏潰腐之後  
換搽生肌玉紅膏生肌斂口初終禁用灸法  
患者宜清心寡慾調理庶免變證

解毒濟生湯

見脫疽

六味地黃湯

見面部雀斑

桂附地黃湯

見面部頰瘍



人參養榮湯

巴膏

生肌玉紅膏

俱見潰瘍門

爛蚪拔毒散

見腫瘍門

蟾酥餅

即蟾酥丸作餅見疔瘡門

甲

疽

癰



甲疽生足指甲旁肉高突色紅十指同

甲疽

甲疽多因剔甲傷甲長侵肉破成瘡努肉高突痛  
難忍消瘀化努效非常

註此證因割嵌指甲傷肉或剔甲傷肉或甲長

侵肉穿窄小靴鞋以致甲旁焮腫破爛時津  
黃水努肉高突疼痛難忍不能著衣原係好  
肉受傷宜用鹽湯燙洗外敷華陀累效散白  
膏藥蓋貼努肉消盡即愈

華陀累效散



乳香

硃砂 各一錢

輕粉 五分

橄欖核 三枚  
燒存性

黃丹 三分

共研細末香油調敷

方歌 華陀累效敷嵌甲黃丹輕粉乳硃砂橄欖核

燒同碾細香油調濃患處搽

白膏藥 見潰瘍門

足 跟 疽 圖



足跟疽生足變跟紫腫形如兔咬左右同

足跟疽

足跟疽生腳攣根狀如兔咬紫紅焮陽蹠積熱潰  
難斂初宜隔蒜艾灸勤

註

此證生足跟俗名腳攣根由臟腑積熱汗出  
涉水遠行傷筋而成初腫紅紫疼痛潰破膿  
水淋瀝狀如兔咬經云兔啮狀如赤豆至骨  
急治遲則害人蓋謂毒之深惡也屬足太陽  
膀胱經穴名申脈卽陽蹠脈發源之所又係  
腎經所過之路瘡口久潰不合陽蹠脈氣不



能冲發腎氣由此漏洩以致患者益虛初起  
宜隔蒜片灸之服仙方活命飲加肉桂牛膝  
潰後宜補中益氣湯人參養榮湯桂附地黃  
丸隨證滋補治之餘按癰疽潰瘍門海藏云  
兔齧久不收斂用鹽湯洗之白朮研末撒之  
兩日一易謹戒一切勞碌卽效

隔蒜灸法

見首卷  
灸法

仙方活命飲

見腫  
瘍門

補中益氣湯

人參養榮湯 俱見潰瘍門

桂附地黄丸 見面部 頰瘍

厲 癰 圖



厲癰生足附兩旁小如棗栗左右同



四

淫

圖



四淫生足跗之前上下其大如癰左右同

厲癰 四淫

厲癰勢小足旁生四淫在足上下凝三陰虧損爲疽重三陽溼熱發癰輕

註

靈樞云發於足上下名曰四淫其狀大癰急治之百日死發於足旁名曰厲癰其狀不大急治之去其黑者不消輒益不治百日死此二證俱由足三陰經虧損爲疽者重若兼足三陽經溼熱下注而成癰者輕若紅腫疼痛潰破有膿腐脫無黑氣浸漫屬溼熱偏盛順

證易治若微紅微腫潰出膿水屬陰氣凝結不能化膿險證難治若黑暗漫腫痛不潰膿煩熱作渴小水淋漓爲陰敗惡證屬逆四淫無邊沿厲癰類敦疽初俱宜仙方活命飲外宜隔蒜灸以宣壅毒將潰宜服人參養榮湯兼六味地黃丸以滋補之若色黯不痛卽用桑柴烘法以行壅滯助陽氣更宜十全大補湯兼桂附地黃丸壯脾滋水治之或可成功若妄用苦寒剋伐之藥多致不救外治法同



敦疽

仙方活命飲

見腫瘍門

隔蒜灸法

見首卷灸法

人參養榮湯

十全大補湯

俱見潰瘍門

六味地黃丸

見面部雀斑

桑柴烘法

見首卷

桂附地黃丸

見面部頰瘍

臭

田

螺

圖



臭田螺生脚了起白炮大如粟粒左右同

臭田螺

臭田螺瘡最纏綿脚丫搔癢起白斑搓破皮爛腥  
水臭治宜清熱滲濕痊

註

此證由胃經濕熱下注而生脚丫破爛其患

甚小其癢搓之不能解必搓至皮爛津腥臭

水覺疼時其癢方止次日仍癢經年不愈極

其纏綿法宜甘草薏苡仁煎湯洗之嚼細茶

葉塗之乾則黃連膏潤之破爛甚者宜用鷺

掌皮煨存性研末香油調敷甚效



黃連膏

見鼻部  
鼻瘡

牛

程

躩

圖



牛程躩生脚底板起硬埂色黄不能着地左右同

印真...及...六...金...監

編輯外科心法要訣

目下

牛程躓

牛程躓因奔走急脚熱着水寒風襲氣滯血凝起  
硬埂法宜鴿糞滾湯漬

註

此證生於足跟及足掌皮內頑硬腫起高埂  
色黃疼痛不能行履由脚熱着冷水或遇寒  
風襲於血脈令氣滯血凝而成法宜用盆一  
箇內安新磚磚上安鴿糞糞上合罩篋以脚  
踏罩篋上以滾水從旁冲入蒸之浸漬之  
冷則易之或用新磚燒紅韭菜汁潑之將病



足踏於其上燙之早治或有消者久則破裂  
膿水津流每日米泔水淨洗搽牛角散四圍  
顏皮浮起剪之換搽生肌玉紅膏月白珍珠  
散生肌歛口自愈

# 牛角散

松香

輕粉

水龍骨

即舊船底  
油石灰

牛角尖

燒灰

共為末牛骨髓調搽

方歌牛角散治牛程躩久破膿水流不痊松香輕

粉水龍骨牛角燒灰須用尖

生肌玉紅膏

月白珍珠散

俱見潰瘍門

土 栗 圖



土栗生足跟旁初起如棗栗色黃腫如琉璃左右同

編目小才公去豆夾



土栗

土栗生在足跟旁腫若琉璃亮色黃行路崎嶇傷筋骨急服仙方合五香

詩

此證又名琉璃疽生在足跟之旁形如棗栗亮而色黃腫若琉璃由行崎嶇之路勞傷筋骨血脈而成急服五香湯及仙方活命飲宣通壅滯膿熟鍼之膿少而多水者以陀僧膏貼之餘按癰疽潰瘍治法

五香湯

乳香

藿香

丁香

沉香

青木香

各三錢半

水二鍾煎八分服之

方歌五香湯善治土栗行路勞傷血脈積乳藿丁

沉青木香煎服舒壅功效極

仙方活命飲

見腫瘍門

陀僧膏

見潰瘍門

冷

疔

圖



冷疔生足眼  
 底形如聚粟  
 起紫白皰  
 左右同



冷疔

冷疔濕寒足跟生疼痛徹骨紫皸形黑爛深孔流血水氣穢神燈照法靈

註此證生在足跟由濕寒凝結而成形如棗栗

起紫白皸疼痛徹骨漸生黑氣腐爛孔深時

流血水氣穢經久不斂者宜神燈照法照之

鐵粉散敷之初服內補十宣散次按潰瘍治

同

鐵粉散

生鐵粉

即鐵砂如無用黑鉛四兩鐵杓化開傾水中冷定取出再化再傾以鉛化盡為末去水取末三錢

黃丹

飛

輕粉

松香

各一錢

麝香

一分

各研細末共和一處再研勻將患處以葱湯洗去血水腐臭香油調藥搽於患上油紙蓋之糺之

方歌鐵粉散醫足冷疔能蝕黑腐肌肉生黃丹輕

粉松香麝香油調搽紙蓋靈

神燈照法

見道卷

內補十宣散

見胸部  
瘕癥癰

印

編輯外科心法要訣



脚 氣 瘡 圖



脚氣瘡生膝之下足之上腿脛胖腫出黃水結黃痂左右同

脚氣瘡

脚氣瘡在足膝生濕熱相搏風氣乘壯熱腫痛津黃水心神煩躁犀角靈

註

此證生於足膝由濕熱內搏滯於膚腠外爲風乘不得宣通故令脚膝生瘡癢痛作腫破津黃水形類黃水瘡惟身體壯熱心神煩躁經久難瘥宜服犀角散外以漏蘆湯洗之兼敷龍骨散甚效

犀角散

犀角屑

天麻

黃耆

枳殼

麩炒

白鮮皮

黃芩

防風

羌活

白蒺藜

各七錢五分

檳榔

一兩

烏梢蛇

二兩酒浸

甘草

五錢炙

右研粗末每服八錢水一鍾半生薑五片煎

一鍾去渣不拘時溫服

方犀角散醫脚氣瘡天麻耆枳白鮮榔烏蛇芩



草風羌活蒺藜粗末引加薑

漏蘆湯

漏蘆

甘草  
生

槐白皮

五加皮

白歛 各一兩五錢

白蒺藜 四兩

共為粗末每用五兩水入盥煎五盥去滓淋

洗

方漏蘆湯甘槐白皮五加白歛白蒺藜脚氣瘡

疼癢津水熬湯洗患散濕急

本草綱目卷之六 漏蘆 漏蘆湯 槐白皮 五加皮 白歛 白蒺藜 甘草 生 淋 洗 瘡 癢 津 水 熬 湯 洗 患 散 濕 急

龍骨散

白龍骨

研

輕粉

各二錢五分

檳榔

研一錢

豬糞

新瓦上焙乾再入火中燒之存性取出研末五錢

共研勻先以口含壅水或溫鹽湯洗令瘡淨

見肉却用香油調藥隨瘡大小敷之未愈再

敷

方歌

龍骨散能去濕腐脚氣瘡敷自然無輕榔豬

糞香油入久遠惡瘡用亦除

田

螺

炮

圖



田螺炮生足掌起如豆粒黃炮左右同



田螺炮

田螺炮在足掌生裏濕外寒蒸鬱成豆粒黃炮悶  
脹硬破津臭水腫爛疼

註

此證多生足掌而手掌罕見由脾經濕熱下

注外寒閉塞或因熱體涉水濕冷之氣蒸鬱  
而成初生形如豆粒黃炮悶脹硬疼不能着  
地連生數炮皮厚難於自破傳度三五成片  
濕爛甚則足跖俱腫寒熱往來法宜苦參葛  
蒲野艾熬湯熱洗次用線鍼將炮挑破放出

臭水加味太乙膏貼之又將炮皮剪去宜用  
石膏輕粉等分研末撒之仍以加味太乙膏  
蓋貼內服解毒瀉脾湯更有經年不愈者係  
下部濕寒以金匱腎氣丸常服甚效

解毒瀉脾湯

石膏  
煨

牛蒡子  
炒研

防風

黃芩

蒼朮  
炒

甘草  
生

木通

山梔  
各一錢  
生研

水二鍾燈心二十根煎八分服之

方歌解毒瀉脾苓勞子風膏蒼朮草通梔田螺炮

起宜煎服清熱疏風又去濕

加味太乙膏

見潰瘍門

金匱腎氣丸

卽桂附地黃丸加車前子牛膝各一兩見面部頰瘍



肉刺

肉刺證由纏脚生或着窄鞋遠路行步履艱難疼  
痛甚玉簪相搗貼塗靈

註

此證生在脚指形如鷄眼故俗名鷄眼根陷  
肉裏頂起硬凸疼痛步履不得或因纏脚或

着窄鞋遠行皆可生之法宜貼加味太乙膏

滋潤之或用紫玉簪花根搗爛貼塗以油紙

蓋之又地骨皮紅花等分研細香油調敷俱

效